

# Kontrataziorako Barne Jarraibideak

Zamudio, 2015eko urria

## Aurkibidea

<b>1. Aplikatu beharreko Kontratazio Esparrua.....</b>	<b>1</b>
<b>2. Arau Harmonizatupekoak ez diren Kontratuak .....</b>	<b>2</b>
2.1 Orokorrean aplikatu beharreko arauak.....	3
Kontratazio organoa .....	3
Kontratistek bete beharreko baldintzak .....	3
Kontratuaren elementuak .....	4
Kontratua prestatzea .....	4
Kontratua egitea.....	5
Kontratua gauzatzea.....	5
2.2 Plegua .....	6
2.3 Esleitzeko prozedurak.....	8
Obra-kontratuak .....	8
Gainerako kontratuak (hornidura, zerbitzuak eta beste batzuk) .....	11
2.4 Errekurtsoak .....	15
<b>3. Contratos sujetos a Regulación Armonizada.....</b>	<b>16</b>
3.1 Orokorrean aplikatu beharreko arauak .....	16
Especialitateak, kontratistek bete beharreko baldintzei dagokienez.....	16
Kontratua Prestatzea .....	16
Kontratua gauzatzea eta formalizatzea.....	17
3.2. Plegua.....	17
3.3 Esleitzeko prozedura.....	17
3.4 Errekurtsoak .....	18
Prestatzea eta esleitzea.....	18
Ondorioak eta amaiera.....	19
2.5 Ofizioz berraztertzea .....	19
<b>4. Kontratugile Profila .....</b>	<b>20</b>
<b>I. Eranskina .....</b>	<b>21</b>
<b>II. Eranskina .....</b>	<b>23</b>
<b>III. Eranskina .....</b>	<b>24</b>

## 1. APLIKATU BEHARREKO KONTRATAZIO ESPARRUA

Achucarro Basque Center for Neuroscience Fundazioa (aurrerantzean "Achucarro") irabazteko asmorik gabeko fundazio bat da, esparru honetan indarrean dagoen Espainiakoa eta Euskal legeriaren babesean.

Achucarro, Euskadiko Fundazioetako ekainak 17ko 12/1994 legea, protektoratuko araudia ezartzen duen 100/2007 dekretuan edukitako arauengatik, eta hauen aplikazioaren ondorioz gainerako araudiagatik zuzentzen da. Halaber, Fundazioa aipatutako araudiaren arabera osatu eta onartu ziren Estatutu Sozialek zuzentzen dute.

Achucarro zentroaren helburu estrategiko nagusia gizartearen garapen sozial eta ekonomiko iraunkorrean laguntzean da. Horretarako, burmuin osasuntsu eta gaixoan, neurona-glia erlazioaren biologian, nazioarte mailan, ikerkuntza nabarmena garatu nahi dugu. Honako ikerkuntza ikuspegiaren bidez, alde batetik neurozientzialarien belaunaldi berrien trebakuntzan lagundu ahal izango dugu, eta bestetik, gizakion burmuinaren ezagutzaren inguruko komunikazioan eta hedapenean agente aktibo bat izaten.

Achucarroren iritziz, bere helburuengatik, diru-sarrerengatik, konposizioagatik eta kudeaketagatik, boterea adjudikatzaileria izateko ezarritako baldintzak betetzen dituela, Administrazio Publiko izaera ez daukana Sektore Publikoko Kontratu Legeko Testu Bategineko (hemendik aurrera, "SPKLTB" edo, era berean, Legea) 3.3 artikuluaaren arabera, azaroaren 14ko, 3/2011 Legegintzako Errege-Dekreturen bitartez onetsia.

Eta guzti hori ondokoak betetzen dituen erakundea delako:

- Berezko nortasun juridikoa dauka,
- Espezifikoki, interes orokorraren beharrak asetzeko, ekainaren 17ko, 12/1994 Legean doitutako fundazio guztiak sortua izan zelako,
- Bere beharrek ez dute industria edota merkataritza izaerarik, eta,
- Beste boterea adjudikatzaileria batek (kasu honetan, Administrazio Publiko bat: Eusko Jaurlaritzak), bere jarduera gehienez finantzatzen du.

Botere adjudikatzaileria izaeran, Achucarrok aipatutako SPKLTB-aren arau jakin batzuk kontuan hartu beharko ditu, kontratu jakin batzuen prestaketa eta esleipenerako. Zehazki, SPKLTB-aren arauak eman behar izango ditu zuzenki Erregulazio Harmonizatua duten kontratu guztien prestaketa eta esleipenerako, esandako SPKLTB legeak definitzen dituen kontratuak eta hari kalterik egin gabe, barneko jarraibideak hauetan definituko direnak ere.

Achucarrok egiten dituen kontratuak honako kategoria hauetan sailkatzen dira:

1. Sektore publikoaren kontratuei buruzko testu bategina onartzen duen azaroaren 14ko 3/2011 Legegintzako Errege Dekretuaren mende ez dauden kontratuak, hau da, ordenamendu juridiko pribatuaren edo, hala badagokio, aplikatzekoak zaizkion arau berezien mende daudenak. SPKLTBaren 4. artikuluan deskribatutako kontratuak dira (jarraibide hauen I. Eranskin gisa txertatu da 4. artikuluko hori).
  - **Ez zaizkie aplikatzekoak honako jarraibide hauek**
2. Legearen mende dauden kontratuak, erregulazio harmonizatuko izaerarik ez dutenak. Kontratu guztiak dira, hurrengo kategoriakoak izan ezik.
  - Jarraibide hauen **2 atalean** aurreikusten dena izango zaie aplikatzekoa.
3. Legearen mende dauden kontratuak, erregulazio harmonizatuko izaera dutenak. Jarraibide hauen C atalean aurreikusten dena izango zaie aplikatzekoa. Honako kontratuak dira:
  - Obra-kontratuak, 5.000.000 euroko balio zenbatetsia edo balio handiagoa dutenak\*.
  - Hornidura-kontratuak, 200.000 euroko balioa edo balio handiagoa dutenak\*.
  - Zerbitzu-kontratuak, SPKLTBaren II. Eranskinen 1etik 16ra bitarteko kategorietan sartzen direnak eta 200.000 euroko balioa edo balio handiagoa dutenak\*.

(\*)Zenbateko horiek **BEZ gabeko zenbatekoak** dira.

Zenbatekoa edozein izanik ere, ez dira inola ere arau harmonizatupeko kontratuak izango SPKLTBaren 13.2. artikuluan deskribatutakoak (jarraibide hauen II. eranskin gisa txertatu da 13.2. artikuluko hori), ezta SPKLTBaren II. Eranskinen 17tik 27ra bitarteko kategorietako zerbitzu-kontratuak ere.

## 2. ARAU HARMONIZATUPEKOAK EZ DIREN KONTRATUAK

Honako kontratuak dira:

- Obra-kontratuak, 5.000.000 euro baino balio zenbatetsi txikiagoa dutenak\*.
- Hornidura-kontratuak, 200.000 euro baino balio zenbatetsi txikiagoa dutenak\*.
- Zerbitzu-kontratuak, SPKLTBaren II. eranskinen 1etik 16ra bitarteko kategorietan sartzen direnak eta 200.000 euro baino balio zenbatetsi txikiagoa dutenak\*.
- Zerbitzu-kontratuak, SPKLTBaren II. eranskinen 17tik 27ra bitarteko kategorietan sartzen direnak eta 13.2. artikuluko kontratuak, zenbatekoak edozein izanik ere.

(\*)Zenbateko horiek **BEZ gabeko zenbatekoak** dira. Muga horiek SPKLTBko Hamaikagaren Xedapen Gehigarriaren arabera ezarrita daude, eta beraz, Europako Batzordeak aurrerantzean finkatzen duen zenbatekoaren arabera aldatu litezke.

## 2.1 Orokorrean aplikatu beharreko arauak

### **KONTRATAZIO ORGANOA**

Achucarroren Estatutuek eta aplikatzekoak diren zuzenbide pribatuko arauak eraenduko dute kontratatzeke ahalmena.

Achucarroren kontratazio-organoa Zientzia Zuzendaria eta Kudeatzaileaz osatuta dago, eta, osagarri gisa, estatutuek xedatzen dutenaren arabera edo eskura dituzten ahalordeen indarrez horretarako ahalmena duten pertsonak.

Kontratazio-organoak kontratuaren inguruko jardun zehatzak egiteko egoki iruditzen zaion pertsona ahalmenu ahal izango du kasuak kasu.

### **KONTRATISTEK BETE BEHARREKO BALDINTZAK**

Honako baldintza hauek bete eta egiaztatzen dituzten kontratistek kontrata dezakete Achucarroekin:

- Gaitasun-baldintzak: Legearen 54. artikuluan aurreikusten direnak izango dira. Legearen 55. artikulua (Europako Erkidegokoak ez diren enpresetarako) eta 56. artikulua (bateragarritasuneko baldintza bereziei buruzkoa) izango dira aplikatzekoak.
- Ahalmena: Legearen honako artikulua hauek eskatzen den ahalmena izango da: 57. artikuluan (pertsona juridikoen ahalmena), 58. artikuluan (Europako Erkidegoko enpresen ahalmena) eta 59. artikuluan (enpresaburuen elkarten ahalmena). Legearen 72. artikuluan ezartzen den moduan egiaztatuko da ahalmena.

### **Kontratatzeke debekurik ez izatea**

Kontratatzeke debekuei buruzko 60.1. artikulua eta kontratatzeke debeku horiek ez dagozkiola frogatzeko moduei buruzko 73. artikulua aplikatuko dira.

### **Kaudimenaren gutxieneko baldintzak.**

Kaudimen ekonomiko, finantzario eta teknikoko edo profesionaleko gutxieneko baldintzak –kasuak kasu– klausula ekonomiko eta administratiboen pleguan ezarriko dira, eta bertan ezarritako moduan egiaztatuko dira.

Plegu horretan, kaudimena justifikatzeko aurkeztu beharreko dokumentuak ez ezik, kaudimen hori egiaztatzeke gutxieneko atalaseak ere identifikatuko dira.

Honako artikulua hauek aplikatuko dira: 62. artikulua (kaudimenaren eskakizuna), 63. artikulua (kaudimena kanpoko bitartekoekin integratzea) eta 64. artikulua (kaudimen-baldintzen zehaztapena).

### **Sailkapena**

Klausula ekonomiko eta administratiboen pleguan aurreikusten den kasuetan soilik eskatuko da administrazio-sailkapena.

## KONTRATUAREN ELEMENTUAK

### Kontratuaren xedea

Zentroaren xedea betetzeko eta gauzatzeko beharrezkoak direnean egingo ditu kontratuak Achucarrok. Zehatz-mehatz finkatuko dira proiektatutako kontratuaren bidez estali nahi diren premien izaera eta hedadura, eta premia horiek asetzeko xedearen eta edukiaren egokitasuna. Edonola ere, prestakuntza-dokumentazioan jasoaraziko da hori guztia.

Legearen 86. artikuluan xedatutakoaren arabera zehaztuko da kontratuaren xedea.

### Kontratuaren iraupena

Achucarrok honako alderdi hauek hartuko ditu aintzat kontratuaren iraupena finkatzean: zerbitzugintzaren izaera, finantziazioaren ezaugarriak, eta zerbitzugintza aldi behin konkurrentziaren mende jartzeko beharra. Ondorio horretarako, 23. artikuluan xedatutakoa aplikatuko da.

Egin daitezkeen luzapenak klausula ekonomiko eta administratiboen pleguan aurreikusiko dira espresuki.

Zuzeneko esleipenaren ondoriozko 50.000 eurotik beherako zenbatekoa duten obra-kontratuek eta 18.000 eurotik beherako zenbatekoa duten bestelako kontratuak (BEZ kanpo) urtebeteko iraupena izango dute gehienez, eta ezin izango dira luzatu.

### Prezioa

Kontratuaren prezioari, zenbatetsitako balioaren kalkulari eta lizitazio-aurrekontua zehazteari buruzko 87. eta 88. artikuluen arauak aplikatuko dira, betiere Herri Administrazio bat ez izatearen ondoriozko egokitzapenekin.

Klausula ekonomiko eta administratiboen pleguan aurreikusten diren kasuetan soilik berraztertuko dira prezioak.

## KONTRATUA PRESTATZEA

### Eskaera

Zuzeneko esleipena bidezkoa denean izan ezik, kontratazioari hasiera emateko, jarraibide hauen III. eranskin gisa gaineratzen den formularioa bete beharko dute Achucarroko barneko langileek. Formulario horretan jasoaraziko dira proiektatutako kontratuaren bidez estali nahi diren premien izaera eta hedadura, eta premia horiek asetzeko xedearen eta edukiaren egokitasuna.

### Pleguak

Nahitaezkoa izango da 50.000 euroko zenbatekoa (BEZ kanpo) gainditzen duten kontratu guztietan Plegu bat lantzea. Obra-kontratuaz bestelako kontratuetan ere Plegua landu ahal izango da –Kontratazio Organoak erabakitzen duenaren arabera–, betiere kontratuaren zenbatekoa 18.000 eurotik gorakoa (BEZ kanpo) denean.

Zenbateko hori gainditzen duten kontratuetan, klausula ekonomiko eta administratiboen pleguarekin batera baldintza teknikoaren plegua ere aurkeztu beharko da.

Pleguan bertan edo dokumentazio osagarrian, lan-kontratuak subrogatzeko baldintzen berri emango da, betiere Sektore Publikoaren Kontratuei buruzko Legearen 120. artikuluan aurreikusten denaren arabera.

Obra-kontratuetan, halaber, dagokion obra-proiektua landuko da, eta, hala badagokio, baldintza teknikoaren plegua ordezkatu ahal izango du.

SPKLTBaren II. eranskineko 17tik 27ra bitarteko kategorietan sartzen diren zerbitzu-kontratuak, 200.000 euroko zenbatekoa edo zenbateko handiagoa dutenak, SPKLTBaren 137.1. artikuluan aurreikusten denaren mende egongo dira.

### **KONTRATUA EGITEA**

Kontratua formalizazioarekin gauzatuko da.

Kontratua idatziz formalizatuko da.

Bidezkoa izateagatik, kontratuaren zuzeneko esleipenera jotzen bada, kontratuaren formalizazioa dagokion aurrekontua jaulkitzera eta onarpen idatziaren komunikaziora mugatu ahal izango da.

Klausula ekonomiko eta administratiboen plegua landu ezean, sinatzen den kontratuak nahitaez hartu beharko ditu barnean Sektore Publikoaren Kontratuei buruzko Legearen Testu Bategineko 26. artikuluan adierazitako aipamenak.

Kontratuan ez dira, inola ere, barne hartuko Pleguetan aurreikusten direnez bestelako eskubideak eta betebeharrak, betiere aurkeztutako eskaintzaren ondoriozko zehaztapenekin eta esleipen-egintzaren doitasunekin.

### **KONTRATUA GAUZATZEA**

Kontratuaren ondorioei eta iraungipenari dagokienez, Pleguetan (hala erabakitzen bada, Herri Administrazioak kontratatzeke duen araudira erreferentzia eginez) eta modu osagarrian zuzenbide zibilean jasotako moduan aplikatuko dira, kontratua aldatzerakoan izan ezik, kasu horretan, betiere, SPKLTBaren I. liburuko V. tituluaren (105., 106., 107. eta 108. artikuluetan) xedatutakoa aplikatuko baita.

## 2.2 Plegua

Klausula ekonomiko eta administratiboen pleguak honako alderdi hauek eduki beharko ditu, prozedura negoziatuaren berezko berezitasunekin:

Kontratazio-organoa.

- Publizitatea, kontratugile-profilera sartzeko modua eta publizitate-gastuak.
- Kontratuaren xedea, eta, hala badagokio, loteak.
- Kontratuaren bitartez ase beharreko premiak eta aintzat hartu beharreko askotariko faktoreak.
- Litzitazio oinarriko aurrekontua eta, hala badagokio, urteko zenbatekoen araberako banaketa.
- Kontratuko dokumentazioa.
- Kontratuaren iraupena, luzapenak zehatzuz, halakorik badago.
- Kontratua esleitzeko prozedura: prozedura irekia, mugatua edo negoziatua.
- Proposamenen aurkezpena:
  - Aurkezteko modua.
  - Forma eta edukia (aurkeztu beharreko dokumentazioa)
  - Aurkezteko epea eta tokia.
- Kontratista:
  - Ahalmena.
  - Gaitasun-baldintzak.
  - Kontratatzeko debekua.
  - Kaudimen ekonomikoa eta finantzarioa (dokumentuak eta gutxieneko atalaseak).
  - Kaudimen teknikoa edo profesionala (dokumentuak eta gutxieneko atalaseak).
- Ebaluazioa eta esleipena:
  - Esleitzeko irizpideak eta horien haztapena.
  - Prozedura negoziatua bada, negoziatu beharreko alderdiak eta, hala badagokio, esleitzeko irizpideak eta horien haztapena.
  - Onartutako proposamenak irekitzea.
  - Proposamenak ebaluatzea eta ekonomikoki eskaintzarik onuragarriena aukeratzea.
  - Ekonomikoki eskaintzarik onuragarriena aurkeztu duen lizitatzailleak aurkeztu beharreko agiriak.
  - Kontratua esleitzea eta esleipena jakinaraztea.
- Esleipendunak aurkeztu beharreko dokumentazioa eta epea.
- Kontratuaren formalizazioa eta epea.
- Aldeen eskubideak eta betebeharrak.
- Kontratua hartzea eta kontratatutako zerbitzugintzaren bermearen epea.
- Prezioaren ordainketen erregimena.
- Kontratua suntsiarazteko kausak.
- Erregimen juridikoa eta jurisdikzioa



Horrez gain, klausula ekonomiko eta administratiboen pleguak honako alderdi hauek ere jaso beharko ditu:

- Finantziazioa.
- Aldaerak edo hobekuntzak: onartzen diren edo ez diren adierazpena, betiere onartzen diren kontratuaren baldintzak, mugak, modalitateak eta alderdiak adieraziz.
- Prezioak berraztertzea (aplika daitekeen formula edo indize ofiziala adieraziz), SPKLTBaren 87. Artikuluaren 3. atalean ezarritakoaren arabera.
- Behin-behineko edo behin betiko bermeak.
- Saillkapena.
- Ahalmenaren eta kaudimenaren eskakizunak betetzearen egiaztagiriak aztertu diren data.
- Kontratua aldatzeko aukera, modu argian, zehatzean eta zalantzarik gabekoan adostutako aldaketak erabiltzeko baldintzak, horien ahalmena eta mugak adieraziz, baita gehienez kontratuaren zein ehunekori eragin diezaioketen eta, hori lortzeko, egin beharreko prozedura ere. Hori guztia, SPKLTBan (106. artikuluan) horren inguruan jasotako xedapenak errespetatuz eta betez.
- Kontratatari ezarritako konfidentzialtasun-betebeharraren iritsiera, denboran eta helburuetan.
- Lagapena eta azpikontratazioa: kontratua lagatzeko baldintzak adieraztea eta zerbitzugintzak identifikatzea, edo kontratistak kontrata dezakeen zerbitzugintzen ehunkoa identifikatzea (SPKLTBaren 226.2.c. eta 227.5. artikuluei dagokienez).
- Aterapenen ondoriozko eta gauzatze akastunaren ondoriozko zigorrak.
- Ordenamendu juridikoaren aurkakoa ez den beste edozein itun, klausula eta baldintza

## 2.3 Esleitzeko prozedurak

SPKLTBaren 191. artikuluan aurreikusitakoari jarraituz, kontratu moten eta zenbatekoen arabera esleipen-prozedurak emango dira aditzera.

Ondoren aditzera emango denaren kalterik gabe, kontratazio-organoak lehiarako elkarrikeria-prozedurara jo ahal izango du, betiere 179. artikulutik 183. artikulura bitartean aurreikusten diren suposizioetan eta bertan adierazten diren ondorioekin.

Era berean, kontratazioa arrazionalizatzeko sistemetara jo ahal izango du (esparru-akordioak, kontratazio-sistema dinamikoak, eta kontratazio-zentralak). Hala eginez gero, 196. artikulutik 205. artikulura bitartean arau harmonizatupeko kontratuetarako aurreikusten dena bete beharko da.

### **OBRA-KONTRATUAK**

#### **Zenbatekoen arabera bereizketa**

Obra-kontratuari dagokionez, obraren zenbateko ekonomikoaren arabera hiru prozedura bereiziko dira. Horrela:

- a) 49.999,99 eurora arteko zenbatekoa duen obra-kontratua.
- b) 50.000 euro eta 999.999,99 euro arteko zenbatekoa duen obra-kontratua.
- c) 1.000.000 euro eta 4.999.999,99 euro arteko zenbatekoa duen obra-kontratua\*

Zenbateko horiek BEZ gabeko zenbatekoak dira.

*(\*)Edo Europako Batzordeak aurrerantzean finkatzen duen zenbatekoa, SPKLTBaren Hamaikagarren Xedapen Gehigarrian aurreikusten denaren arabera.*

#### **49.999,99 eurora arteko zenbatekoa duen obra-kontratua**

Mota horretako kontratuetan, oro har, zuzeneko esleipenera joko da. Bidezko aurrekontua eskatuko da, eta, Achucarrok onartu ostean, dagokion kontratua sinatuko da. Nolanahi ere, nahikoa izan daiteke aurrekontu hori onartzen dela espresuki eta idatziz adieraztea.

Kontratua bete dela egiaztatu ondoren ordainduko da prezioa. Dena den, aurretik kontratistak faktura aurkeztu beharko du, eta faktura hori onartu egin beharko da.

Haatik, prozedura negoziatu ireki edo mugatura ere jo ahal izango da, eta kasu horretan hurrengo idatz zatian xedatzen dena izango da aplikatzekoa.

#### **50.000 euro eta 999.999,99 euro arteko zenbatekoa duen obra-kontratua**

Mota horretako kontratuetan, prozedura negoziatu, ireki edo mugatu bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen orrian.

### 1) Prozedura negoziatua

Prozedura negoziatuaren aldeko hauta eginez gero, honako izapide hauek bete beharko dira:

- a) Eskaera: kontratazioaren eskaera egiteko, Achucarroko barneko langileek bete egin beharko dute jarraibide hauen III. eranskin gisa gaineratzen den formularioa.
- b) Eskaintzen eskaera: kontratuaren xedea betetzeko ahalmena duten hiru enpresari, gutxienez, eskatuko zaizkie eskaintzak. Hala ere, ez dira eskaintzak eskatuko lizitazioa kontratugile-profilean argitara ematen denean.
- c) Pleguak: klausula ekonomiko eta administratiboen plegu bat (jarraibide hauen 2.2 idatz zatian aurreikusten den edukiarekin), baldintza teknikoaren plegu bat, edo dagokion obra-proiektua landuko da.  
Pleguan bertan edo dokumentazio osagarrian, lan-kontratuak subrogatzeko baldintzen berri emango da, betiere Sektore Publikoaren Kontratuei buruzko Legearen Testu Bateginean 120. artikuluan aurreikusten denaren arabera.
- d) Publizitatea: kontratuaren zenbatekoa 200.000 eurotik gorakoa denean, kontratugile-profilean eman beharko da argitara kontratuaren lizitazioa eta esleipena,  
Kontratuaren esleipena kontratugile-profilean emango da argitara.  
Betiere idatz zati honen g) letran aurreikusten denaren kalterik gabe.
- e) Ebaluazioa: Klausula ekonomiko eta administratiboen pleguan zehaztuko dira enpresekin negoziatu beharreko alderdi ekonomikoak eta teknikoak, baita, hala badagokio, esleitzeko irizpideak eta horien haztapena ere.  
Eginiko negoziazioen ostean eta, hala badagokio, azkenean aurkeztutako eskaintzak ikusita, Achucarroko langile teknikoek kontratazio-organora igorriko dute proposamena neurrigabetzat edo anormaltzat jo ez diren proposamenen zerrendarekin –goitik beherako ordenan–, baita ekonomikoki onuragarriena den eskaintzaren identifikazioarekin ere. Guztia arrazoituta aurkeztu beharko da.  
Egindako gonbidapenak, jasotako eskaintzak, eskaintza horiek onartzeko edo baztertzeko arrazoiak eta eginiko negoziazioak jasoaraziko dira, hala badagokio.
- f) Kontratua gauzatzea eta formalizatzea: Kontratazio-organoak ekonomikoki onuragarriena den eskaintzari esleitu dio kontratua, langile teknikoaren proposamena ikusita. Kontratazio-organoak kontratuaren esleipena adostuko du, ebazpen arrazoituan, eta lizitatuzaileei jakinarazi eta,aldi berean, kontratugile-profilean argitaratuko da.  
Kontratazio-organoak kontratua langile teknikoek formulatutako proposamenari jarraituz esleitu ezean, arrazoitu egin beharko du erabaki hori.  
Lizitatuzaileen esleipenaren jakinarazpena jaso eta biharamunetik hasita, hamabost laneguneko epean, gehienez, formalizatuko da kontratua.
- g) Beste aplikazio-suposizio batzuk: Legearen 170. eta 171. artikuluetan –a), b) eta c) idatz zatietan–aurreikusten diren kontratuetan ere prozedura negoziatura jo ahal izango da, kontratuaren zenbatekoa edozein izanik ere.  
Kasu horietan, kontratugile-profilean lizitazio-iragarkia baino ez da emango argitara, betiere 170. artikuluko a) eta b) idatz zatiko suposizioetan eta 171. artikuluko a) idatz zatiko suposizioetan.

Klausula ekonomiko eta administratiboen pleguan, edo jarraibide hauetan bertan espresuki aurreikusten ez diren alderdietan, Legearen 151 (1, 2 eta 3. ataletan), 169, 176, 177 eta 178. artikuluetan ezarritakoa izango da aplikatzekoa, baita, adierazitako artikuluko horiek igorrita, aplikatzekoak izan daitezkeen beste artikuluko batzuetan ezarritakoa ere. Edonola ere, Herri Administrazio bat ez izatearen ondorioz, beharrezkoak diren egokitzapenak egin beharko dira.

## 2) Prozedura irekia edo mugatua

50.000 eta 999.999,99 euro arteko obra-kontratuetan, prozedura irekia edo mugatua hautatzen bada, hurrengo atalean xedatutakoa izango da aplikatzekoa, c) paragrafoan publikitateari dagokionez ezarritakoa salbu. Azken kasu horretan, kontratugile-profilean lizitazioaren eta esleipenaren iragarpena argitara ematearekin betetzat joko da publikitate-printzipioaren ondoriozko eskakizuna.

### 1.000.000 euro eta 4.999.999,99 euro arteko zenbatekoa duen obra-kontratua.

Mota horretako kontratuetan, prozedura ireki edo mugatu bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen pleguan.

Prozedura irekiaren zein mugatuaren aldeko hauta egiten bada, honako arau hauek hartu beharko dira aintzat:

- a) Eskaera: eskaera egiteko, Achucarroko barneko langileek bete egin beharko dute jarraibide hauen III. eranskin gisa gaineratzen den formularioa.
- b) Pleguak: klausula ekonomiko eta administratiboen plegu bat landuko da jarraibide hauen 2.2 idatz zatian aurreikusten den edukiarekin, baita baldintza teknikoan plegu bat edo dagokion obra-proiektua ere. Pleguan bertan edo dokumentazio osagarrian, lan-kontratuak subrogatzeko baldintzen berri emango da, betiere Sektore Publikoaren Kontratuei buruzko Legearen Testu Bateginean 120. artikuluan aurreikusten denaren arabera.
- c) Publikitatea: lizitazioa argitara eman beharko da, gutxienez, kontratugile-profilean eta Bizkaiko Aldizkari Ofizialean, edo kontratugile-profilean eta probintziako egunkari batean. Bestalde, egin den aukera zehatza eman beharko da aditzera klausula ekonomiko eta administratiboen pleguan. Kontratuaren esleipena kontratugile-profilean emango da argitara.
- d) Proposamenak aurkezteko epea: klausula ekonomiko eta administratiboen pleguan zehaztuko da proposamenak aurkezteko epea; alabaina, ez da inoiz hogeita sei (26) egun baino gutxiagoko epea izango. Haatik, kontratazio-organoaren iritziz, epea murriztea justifikatuko duten zirkunstantzia bereziak gertatzen direnean, laburragoa izan daiteke epea.
- e) Proposamenak aurkezteko modua: proposamenak ezkutukoak izango dira, eta gutun-azal itxietan aurkeztuko dira, klausula ekonomiko eta administratiboen orrian zehazten den moduan.
- f) Ebaluazioa: kontratazio-organoak zehaztuko ditu kontratua esleitzeko oinarri izango diren irizpideak, baita horien haztapena ere. Iragarkian eta klausula ekonomiko eta administratiboen pleguan adieraziko dira.  
Kontratuaren xedearekin zuzenean lotzen diren irizpideak izan daitezke, hala nola kalitatea, prezioa, obraren erabileraren ondoriozko ordainsariak berraztertze erabil daitekeen formula, zerbitzugintza gauzatzeko edo egiteko epea, erabiltzearen kostua, ingurumen-ezaugarriak, gizarte-eskakizunekin lotzen diren ezaugarriak, errentagarritasuna, balio teknikoa, ezaugarri estetikoak edo funtzionalak, ordezko piezen eskuragarritasuna eta kostua, mantentze-lanak, laguntza teknikoa, salmenta-osteko zerbitzua, eta antzeko beste batzuk.  
Klausula ekonomiko eta administratiboen pleguan Batzorde baten osaera eta eskumenak jaso ahal izango dira. Batzorde horren egitekoak hauek izango dira: aurkeztutako proposamenen ebaluazio-txosten objektiboa egitea eta kontratazio-organoari proposamena egitea. Proposamenean, aurkeztutako proposamenen zerrenda jasoko da, beheako ordenan sailkatuta, klausula ekonomiko eta administratiboen pleguan aurreikusitako proposamenak baloratzeko irizpideak kontutan hartuta, baita ekonomikoki onuragarriena den eskaintzaren identifikazioa ere. Klausula ekonomiko eta administratiboen pleguan Ebaluazio Batzordearen osaera eta eskumenak bildu ezean, langile teknikoek helaraziko diote esleipen-proposamena kontratazio-organoari.

- g) Kontratua gauzatzea eta formalizatzea: Kontratazio-organoak ekonomikoki eskaintzarik onuragarrienari esleituko dio kontratua, betiere klausula ekonomiko eta administratiboen pleguan aurreikusitako balorazio-irizpide objektiboen arabera, eta Ebaluazio Batzordearen edo, hala badagokie, langile teknikoen proposamenaren arabera.

Kontratazio-organoak kontratuaren esleipena adostuko du, ebazpen arrazoituan, eta lizitatzailerei jakinarazi eta,aldi berean, kontratugile-profilean argitaratuko da.

Kontratazio-organoak kontratua Ebaluazio Batzordeak edo, hala badagokie, langile teknikoek formulatutako proposamenari jarraituz esleitu ezean, arrazoitu egin beharko du erabaki hori.

Lizitatzaileren esleipenaren jakinarazpena jaso eta biharamunetik hasita, hamabost laneguneko epean, gehienez, formalizatuko da kontratua.

Plegu horretan edo honako jarraibide hauetan espresuki aurreikusten ez diren alderdietan, berriz, artikulua hauetan aurreikusitakoa izango da aplikatzekoa:

- prozedura irekirako eta mugaturako, 151. artikuluan (1, 2 eta 3. atalak) aurreikusitakoa.
- prozedura irekirako, 157., 158., 160. eta 161. artikuluetan aurreikusitakoa (160. artikuluari dagokionez, ez da inoiz aplikatzekoa izango adituen batzordearen edo organismo tekniko espezializatuaren arloan aurreikusten dena); prozedura mugaturako, 162., 163., 165., 166., 167. eta 168. artikuluetan aurreikusitakoa, baita, adierazitako artikulua horiek igorrita, aplikatzekoak izan daitezkeen beste artikulua batzuetan ezarritakoa ere. Bi kasu horietan, Herri Administrazioa ez izatearen ondorioz egin beharreko egokitzapenak izan beharko dira aintzat.

### **GAINERAKO KONTRATUAK (HORNIDURA, ZERBITZUAK ETA BESTE BATZUK)**

#### **Zenbatekoen arabera bereizketa**

Kontratu horiei dagokionez (hornidura, zerbitzuak eta beste batzuk), zenbateko ekonomikoaren arabera hiru prozedura bereiziko dira. Horrela:

- a) 17.999,99 eurora arteko zenbatekoa duen kontratua.
- b) 18.000 euro eta 99.999,99 euro arteko zenbatekoa duen kontratua.
- c) Hornidura eta zerbitzuetako kontratuak, 100.000 euro eta 199.999,99 euro arteko zenbatekoarekin(\*) eta gainerako kontratuak, zenbatekoetan mugarik gabe.

Zenbateko horiek BEZ gabeko zenbatekoak dira.

(\*) Edo Europako Batzordeak aurrerantzean finkatzen duen zenbatekoa, SPKLTBaren Hamaikagarren Xedapen Gehigarrian aurreikusten denaren arabera.

#### **17.999,99 eurora arteko zenbatekoa duen kontratua**

Mota horretako kontratuetan, oro har, zuzeneko esleipenera joko da. Bidezko aurrekontua eskatuko da, eta, Achucarrok onartu ostean, dagokion kontratua sinatuko da. Nolanahi ere, nahikoa izan daiteke aurrekontu hori onartzen dela espresuki eta idatziz adieraztea.

Kontratua bete dela egiaztatu ondoren ordainduko da prezioa. Dena den, aurretik kontratistak faktura aurkeztu beharko du, eta faktura hori onartu egin beharko da.

Haatik, prozedura negoziatu ireki edo mugatura ere jo ahal izango da, eta kasu horretan hurrengo idatz zatian xedatzen dena izango da aplikatzekoa.

### **18.000 euro eta 99.999,99 euro arteko zenbatekoa duen kontratua.**

Mota horretako kontratuetan, prozedura negoziatu, ireki edo mugatu bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen orrian. Halakorik izan ezean, kontratazio-organoaren berariazko erabaki bidez egingo da hautaketa.

#### **1) Prozedura negoziatua**

Prozedura negoziatuaren aldeko hauta eginez gero, honako izapide hauek bete beharko dira:

- a) Eskaera: kontratazioaren eskaera egiteko, Achucarroko barneko langileek bete egin beharko dute jarraibide hauen III. eranskin gisa gaineratzen den formularioa.
- b) Eskaintzen eskaera: kontratuaren xedea betetzeko ahalmena duten hiru enpresari, gutxienez, eskatuko zaizkie eskaintzak. Hala ere, ez dira eskaintzak eskatuko lizitazioa kontratugile-profilean argitara ematen denean.
- c) Pleguak: Kontratuaren zenbatekoa 50.000 euro edo gehiagokoa denean, klausula ekonomiko eta administratiboen plegu bat (jarraibide hauen 2.2 idatz zatian aurreikusten den edukiarekin) eta baldintza teknikoaren plegu bat landuko da. Pleguan bertan edo dokumentazio osagarrian emango da lan-kontratuak subrogatzeko baldintzen berri, kontratuaren zenbatekoa 50.000 eurotik gorakoa denean, betiere Sektore Publikoaren Kontratuei buruzko Legearen Testu Bateginaren 120. artikuluan aurreikusten denaren arabera. Kontratuaren zenbatekoa 50.000 eurokoa edo txikiagoa denean, Pleguak egitea aukerabidezkoa izango da.
- d) Publizitatea: kontratuaren zenbatekoa 60.000 eurotik gorakoa denean, kontratugile-profilean eman beharko da argitara kontratuaren lizitazioa. Kontratuaren esleipena kontratugile-profilean emango da argitara. Betiere idatz zati honen g) letran aurreikusten denaren kalterik gabe.
- e) Ebaluazioa: klausula ekonomiko eta administratiboen pleguan zehaztuko dira enprekin negoziatu beharreko alderdi ekonomikoak eta teknikoak, baita, hala badagokio, esleitzeko irizpideak eta horien haztapena ere. Eginiko negoziazioen ostean eta, hala badagokio, azkenean aurkeztutako eskaintzak ikusita, Achucarroko langile teknikoek kontratazio-organora igorriko dute proposamena neurrigabetzat edo anormaltzat jo ez diren proposamenen zerrendarekin –goitik beherako ordenan–, baita ekonomikoki onuragarriena den eskaintzaren identifikazioarekin ere. Guztia arrazoituta aurkeztu beharko da. Egindako gonbidapenak, jasotako eskaintzak, eskaintza horiek onartzeko edo baztertze arrazoiak eta eginiko negoziazioak jasoaraziko dira, hala badagokio.
- f) Kontratua gauzatea eta formalizatzea: kontratazio-organoak ekonomikoki onuragarriena den eskaintzari esleituko dio kontratua, langile teknikoaren proposamena ikusita. Kontratazio-organoak kontratuaren esleipena adostuko du, ebazpen arrazoituan, eta lizitatzaillei jakinarazi eta, aldi berean, kontratugile-profilean argitaratuko da. Kontratazio-organoak kontratua langile teknikoek formulatutako proposamenari jarraituz esleitu ezean, arrazoitu egin beharko du erabaki hori. Lizitatzaillearen esleipenaren jakinarazpena jaso eta biharamunetik hasita, hamabost laneguneko epean, gehienez, formalizatuko da kontratua.



- g) Beste aplikazio-suposizio batzuk: Legearen 170. artikuluan, 173. artikuluan –a), b), c), d) eta e) idatz zatietan–, 174. artikuluan –a), b), c), eta d) idatz zatietan– eta 175. artikuluan aurreikusten diren kontratuetan ere prozedura negoziatura jo ahal izango da, kontratuaren zenbatekoa edozein izanik ere.  
Kasu horietan, kontratugile-profilean lizitazio-iragarkia baino ez da emango argitara, betiere 170. artikuluko a) eta b) idatz zatiko suposizioetan, 174. artikuluko a) idatz zatiko suposizioetan, eta 175. artikuluko suposizioetan (zenbatekoagatik prozedura negoziatura jotzen denean, eta zenbatekoa 60.000 eurotik gorakoa bada).

Klausula ekonomiko eta administratiboen pleguan, edo jarraibide hauetan bertan espresuki aurreikusten ez diren alderdietan, Legearen 151. (1, 2 eta 3. ataletan), 169., 176., 177. eta 178. artikuluetan ezarritakoa izango da aplikatzekoa, baita, adierazitako artikuluko horiek igorrita, aplikatzekoak izan daitezkeen beste artikuluko batzuetan ezarritakoa ere. Edonola ere, Herri Administrazio bat ez izatearen ondorioz, beharrezkoak diren egokitzapenak egin beharko dira.

## 2) Prozedura irekia edo mugatua

18.000 eta 99.999,99 euro arteko mota horretako kontratuetan (hornikuntza, zerbitzuak eta beste batzuk), prozedura irekia edo mugatua hautatzen bada, hurrengo atalean xedatutakoa izango da aplikatzekoa, c) paragrafoa publikitateari dagokionez ezarritakoa salbu. Azken kasu horretan kontratugile-profilean kontratuaren lizitazioaren eta esleipenaren iragarpena argitara ematearekin betetzat joko da publikitate-printzipioaren ondoriozko eskakizuna.

### 100.000 euro eta 199.999,99 euro arteko zenbatekoa duen kontratua.

Mota horretako kontratuetan, prozedura ireki edo mugatu bidez esleitu da kontratua. Hautatutako prozedura zehatza jasoarazi beharko da klausula ekonomiko eta administratiboen pleguan.

Prozedura irekiaren zein mugatuaren aldeko hauta egiten bada, honako arauak hartu beharko dira aintzat:

- Eskaera: eskaera egiteko, Achucarroko barneko langileek bete egin beharko dute jarraibide hauen III. Eranskin gisa gaineratzen den formularioa.
- Pleguak: klausula ekonomiko eta administratiboen orri bat (jarraibide hauen 2.2 idatz zatian aurreikusten den edukiarekin) landuko da, baita baldintza teknikoaren plegua ere.  
Pleguan bertan edo dokumentazio osagarrian, lan-kontratuak subrogatzeko baldintzen berri emango da, betiere Sektore Publikoaren Kontratuei buruzko Legearen Testu Bateginean 120. artikuluan aurreikusten denaren arabera.
- Publizitatea: lizitazioa argitara emango da, gutxienez, kontratugile-profilean eta Bizkaiko Aldizkari Ofizialean, edo kontratugile-profilean eta probintziako egunkari batean –klausula ekonomikoaren eta administratiboen orrian, egin den aukera zehatza eman beharko da aditzera–.  
Kontratuaren esleipena kontratugile-profilean emango da argitara.
- Proposamenak aurkezteko epea: klausula ekonomiko eta administratiboen pleguan zehaztuko da proposamenak aurkezteko epea; alabaina, ez da inoiz hamabost (15) egun baino gutxiagoko epea izango. Haatik, kontratazio-organoaren iritziz, epea murriztea justifikatuko duten zirkunstantzia bereziak gertatzen direnean, laburragoa izan daiteke epea.
- Proposamenak aurkezteko modua: proposamenak ezkutukoak izango dira, eta gutun-azal itxietan aurkeztuko dira, klausula ekonomikoaren eta administratiboen orrian zehazten den moduan.
- Ebaluazioa: kontratazio-organoak zehaztuko ditu kontratua esleitzeko oinarri izango diren irizpideak, baita horien haztapena ere. Iragarkian eta klausula ekonomiko eta administratiboen pleguan adieraziko dira.

Kontratuaren xedearekin zuzenean lotzen diren irizpideak izan daitezke, hala nola kalitatea, prezioa, obraren erabileraren ondoriozko ordainsariak berraztertzeko erabil daitezkeen formula, zerbitzugintza gauzatzeko edo egiteko epea, erabiltzearen kostua, ingurumen-ezaugarriak, gizarte-eskakizunekin lotzen diren ezaugarriak, errentagarritasuna, balio teknikoak, ezaugarri estetikoak edo funtzionalak, ordezeko piezen eskuragarritasuna eta kostua, mantentze-lanak, laguntza teknikoak, salmenta-osteko zerbitzua, eta antzeko beste batzuk.

Klausula ekonomiko eta administratiboen pleguan, Batzorde baten osaera eta eskumenak jaso ahal izango dira. Batzorde horren egitekoak hauek izango dira: aurkeztutako proposamenen ebaluazio-txosten objektiboa egitea eta kontratazio-organoari proposamena egitea. Proposamenen aurkeztutako proposamenen zerrenda jasoko da, beheako ordenan sailkatuta, klausula ekonomiko eta administratiboen pleguan aurreikusitako proposamenak baloratzeko irizpideak kontutan hartuta, baita ekonomikoki onuragarriena den eskaintzaren identifikazioa ere. Klausula ekonomiko eta administratiboen pleguan

Ebaluazio Batzordearen osaera eta eskumenak bildu ezean, langile teknikoek helaraziko diote esleipen proposamena kontratazio-organoari.

- g) Kontratua gauzatzea eta formalizatzea: Kontratazio-organoak ekonomikoki eskaintzarik onuragarrienari esleituko dio kontratua, betiere klausula ekonomiko eta administratiboen pleguan aurreikusitako balorazio-irizpide objektiboen arabera, eta Ebaluazio Batzordearen edo, hala badagokie, langile teknikoen proposamenaren arabera.

Kontratazio-organoak kontratuaren esleipena adostuko du, ebazpen arrazoituan, eta lizitatzailerei jakinarazi eta,aldi berean, kontratugile-profilean argitaratuko da.

Kontratazio-organoak kontratua Ebaluazio Batzordeak edo, hala badagokie, langile teknikoek formulatutako proposamenari jarraituz esleitu ezean, arrazoitu egin beharko du erabaki hori.

Lizitatzaileren esleipenaren jakinarazpena jaso eta biharamunetik hasita, hamabost laneguneko epean, gehienez, formalizatuko da kontratua.

Plegu horretan edo honako jarraibide hauetan espresuki aurreikusten ez diren alderdietan, berriz, artikulua hauetan aurreikusitakoa izango da aplikatzekoa:

- prozedura irekirako eta mugaturako, 151. artikuluan (1, 2 eta 3. atalak) aurreikusitakoa.
- prozedura irekirako, 157., 158., 160. eta 161. artikuluetan aurreikusitakoa (160. artikuluari dagokionez, ez da inoiz aplikatzekoa izango adituen batzordearen edo organismo tekniko espezializatuaren arloan aurreikusten dena); prozedura mugaturako, 162., 163., 165., 166, 167. eta 168. artikuluetan aurreikusitakoa, baita, adierazitako artikulua horiek igorrita, aplikatzekoak izan daitezkeen beste artikulua batzuetan ezarritakoa ere. Bi kasu horietan, Herri Administrazioa ez izatearen ondorioz egin beharreko egokitzapenak izan beharko dira aintzat.



## 2.4 Errekurtsoak

Kontratu horiek prestatu, esleitu, bete edo iraungitzearen arloko edozein gairen aurrean, jurisdikzio zibilari soilik jarri ahal izango zaizkio errekurtsoak.

SPKLTBaren II. eranskineko 17tik 27ra bitarteko kategorietan dauden eta zenbatekoa 200.000 euro baino gehiagokoa duten zerbitzu-kontratuak prestatu eta esleitzeari buruzko aldean kasuan, arau harmonizatupeko kontratueterako, jarraibide hauetako 3.1 epigrafean jasotakoa beteko da.

Horrez gain, kontratuen ondorioen arloan edo kontratuak betetzearen eta iraungitzearen arloan sor daitezkeen desberdintasunak ebazteko, arbitrajera jo ahal izango da, abenduaren 23ko 60/2003 Legearen xedapenen arabera. Edonola ere, klausula ekonomiko eta administratiboen pleguan jaso beharko da arbitrajera jotzeko aukera hori, edo, gisa horretako plegurik ez badago, beste edozein kontratu-dokumentutan jaso beharko da.

### 3. ERREGULAZIO HARMONIZATUAREN MENDE DAUDEN KONTRATUAK

Honako kontratu hauek dira:

- Obra-kontratuak, 5.000.000 euroko balio zenbatetsia edo balio handiagoa dutenak\*.
- Hornidura-kontratuak, 200.000 euroko balioa edo balio handiagoa dutenak\*.
- Zerbitzu-kontratuak, SPKLTBaren II. Eranskineko 1etik 16ra bitarteko kategorietan sartzen direnak eta 200.000 euroko balioa edo balio handiagoa dutenak\*.

Zenbateko horiek BEZ gabeko zenbatekoak dira.

(\*) *Edo Europako Batzordeak aurrerantzean finkatzen duen zenbatekoa, SPKLTBaren Hamaikagarren Xedapen Gehigarrian aurreikusten denaren arabera.*

Hori guztia 13.2. artikuluko kontratuen salbuespenarekin, ez baitira arau harmonizatupekoak izango –horien balio zenbatetsia edozein izanik ere–.

#### 3.1 Orokorrean aplikatu beharreko arauak

Erregulazio harmonizatuaren mende dauden kontratuei jarraibide hauen 2.1 epigrafeko idatz zatian erregulazio harmonizatuaren mende ez dauden kontratuetarako aurreikusten dena izango zaie aplikatzekoa. Honako espezialitate hauekin:

##### *ESPEZIALITATEAK, KONTRATISTEK BETE BEHARREKO BALDINTZEI DAGOKIENEZ*

###### **Gaitasun-baldintzei dagozkien espezialitateak**

Legearen 54. artikuluan xedatutakoaz gain, 55. artikulua ere izango da aplikatzekoa (alde batera utziko da Merkataritzako Munduko Erakundearen kontratazio publikoari buruzko akordioa sinatu duten Estatuetakoen enpresekiko elkarrekikotasunari buruzko txostena).

###### **Gutxieneko kaudimen-baldintzei dagozkien espezialitateak**

Jarraibide 2.1 epigrafeko idatz zatian xedatutakoaz gain, 74. artikulutik 79. artikulura bitarteko artikuluetan kaudimena egiaztatzeko moduei buruz xedatutakoa aplikatuko da.

###### **Kalitate-bermeari buruzko arauak eta ingurumen-kudeaketako arauak betetzea**

80. eta 81. artikulua aplikatuko dira kalitate-bermeari buruzko arauak eta ingurumen-kudeaketako arauak betetzen direla egiaztatzeari dagokionez.

Ondorio horretarako aurreikuspenak klausula ekonomiko eta administratiboen pleguan ezarriko dira.

##### *KONTRATUA PRESTATZEA*

Baldintza teknikoak definitzeko eta ezartzeko, Legearen 117. artikuluan finkatutako arauak aplikatuko dira.

Honako artikuluetan xedatzen dena ere izango da aplikatzekoa: 118. artikuluan (kontrata gauzatzeko baldintza bereziak), 119. artikuluan (fiskalitatearen, ingurumen-babesaren, enpleguaren eta laneko baldintzen arloko betebeharreri buruzko informazioa) eta 120. artikuluan (lan-kontratuetako subrogazio-baldintzei buruzko informazioa).

Atzeratu ezin den premia bat asetzeko kontrata egitea beharrezkoa bada, edo interes publikoko arrazoiengatik esleipena bizkortu nahi bada, kontratazio-organismoak premiazko zat jo ditzake izapideak –prestatzeko dokumentazioan behar bezala arrazoitu beharko du hori–.

Hala egiten bada, epeak murrizteari buruzko Legearen 112.2.b) artikuluan aurreikusten dena aplikatuko da.

### **KONTRATUA GAUZATZEA ETA FORMALIZATZEA**

Kontratua formalizazioarekin gauzatu da eta idatziz formalizatuko da.

## **3.2. Plegua**

Klausula ekonomiko eta administratiboen pleguak honako alderdi hauek zehaztu ahal izango ditu arau harmonizatupekoak ez diren kontratueterako –betiere jarraibide hauen 2.2 epigrafean adierazitakoaz gain–:

- Kalitate-bermeari buruzko arauak eta ingurumen-kudeaketako arauak betetzen direla egiaztatzea (SPKLTBaren 80. eta 81. artikuluek xedatzen duten moduan).
- Kontratua gauzatzeko baldintza bereziak eta ez betetzearen ondorioak (SPKLTBaren 118. Artikuluan aurreikusten den moduan).
- Fiskalitatearen, ingurumen-babesaren, enpleguaren eta lan-baldintzen arloko betebeharrei buruzko informazioa (SPKLTBaren 119 artikuluan aurreikusten den moduan).

## **3.3 Esleitzeko prozedura**

Arau harmonizatupeko kontratuak SPKLTBaren 190. artikuluan ezarritakoaren arabera esleitu dira, hau da, Herri Administrazioen kontratueterako aurreikusten den bezalaxe, betiere honako egokitzapen hauekin:

- a) Ez da aplikatuko 150. artikuluan 2. idatz zatiko bigarren artikuluan ezarritakoa, irizpide subjektiboak baloratzeko adituen batzordearen esku-hartzeari dagokionez.
- b) Ez da aplikatuko 152. artikuluan 1. eta 2. idatz zatietan ezarritakoa, eskaintzen izaera anormala edo proportzioz kanpokoa hautemateko irizpideei dagokienez.
- c) Ez da aplikatuko kontratuak formalizatzeari buruz 156. artikuluan xedatzen dena, horren 3. atalean xedatutako epea eta 5. atalean aurreikusitakoa kontutan hartu beharraren aurka egin gabe.
- d) Ez da aplikatuko 160. artikuluan ezarritakoa, proposamenen azterketari eta esleipen-proposamenari dagokionez.
- e) Ez da aplikatuko 172. artikuluan ezarritakoa, zerbitzu publikoa kudeatzeko kontratuak esleitzeko prozedura negoziatura jo daitezkeen suposizioei dagokienez.

Premia dela eta, Legeak ezartzen dituen gutxienerako epeak bete ezin direnean, epeak murrizteari buruzko 112.2.b) artikuluan aurreikusten dena aplikatuko da.

Klausula ekonomiko eta administratiboen pleguan, Batzorde eskudun bat eratuko dela jasoko da. Batzorde horren egitekoak hauek izango dira: aurkeztutako proposamenen ebaluazio-txosten objektiboa egitea eta kontratazio-organoari proposamena egitea. Proposamenen, aurkeztutako proposamenen zerrenda jasoko da, beherako ordenan sailkatuta, klausula ekonomiko eta administratiboen pleguan aurreikusitako proposamenak baloratzeko irizpideak kontutan hartuta, baita ekonomikoki onuragarriena den eskaintzaren identifikazioa ere.

Lizitatuzaileei egingo zaien jakinarazpenak, edonola ere, baztertutako lizitatuzaileari edo albo batera utzitako hautagaiari, SPKLTBaren 40. artikuluan arabera, esleipen-erabakiaren aurka nahikoa oinarrituta dagoen errekurtsioa jartzeko nahikoa informazio jasoko du. Zehazki, jakinarazpenak honako alde hauek jasoko ditu:

- a) Baztertutako hautagaiei dagokienez, horien hautagaitza baztertzeko dauden arrazoiak laburpena.
- b) Esleipen-prozeduratik baztertutako lizitzaileei dagokienez, haien eskaintza ez onartzearen arrazoiak laburbiltzen dituen azalpena.
- c) Edonola ere, esleipendunaren izena, aukeratua izateko aurkeztutako proposamenean pisuzkoak izan diren ezaugarri eta abantailak, onartu diren gainerako lizitzaileen eskaintzekin alderatuz.

Esleipenaren motibazioari 153. artikuluan jasotako konfidentziasunaren salbuespena aplikatuko zaio.

Edonola ere, jakinarazpenean eta kontratugile-profilean, kontratua formalizatzeko epea adieraziko da 156.3. artikulua arabera.

Lizitazioa eta formalizazioa argitaratzeko xede izango dira, gutxienez honako hauek:

- a) Europar Batasuneko Aldizkari Ofizialean, eta Legearen 334. artikuluan aipatzen den kontratazio-plataforman edo Achucarrori dagokion Herri Administrazioak kudeatzen duen sistema baliokidean.
- b) Europar Batasuneko Aldizkari Ofizialean eta Estatuko Aldizkari Ofizialean.

Era berean, kontratuaren lizitazio-, esleipen eta formalizazio iragarkiak kontratugile-profilean eman beharko dira argitara.

### 3.4 Errekurtsoak

#### **PRESTATZEA ETA ESLEITZEA**

Aukerako izaerarekin, kontratazioaren arloko errekurtso berezia izateko aukera izango dute, administrazioarekiko auzi-errekurtsoa jarri aurretik, honako hauek:

- a) Lizitazio-iragarkiak, pleguak eta kontratazioa zehazten duten baldintzak xedatzen dituzten kontratuzko agiriak.
- b) Esleipen-prozeduran eginiko izapideetako egintzak, betiere esleipenaren gainean zuzenean edo zeharka erabakitzen badute, prozedurarekin jarraitzeko ezintasuna zehazten badute, edo interes edo eskubide legitimoei kalte edo babesgabezia konponezina sortzen badiete.
- c) Esleipenaren erabakiak.

Errekurtsoa ebazteko eskumena errekurtsogileak hautatzen duen organo eskudunari dagokio –SPKLTBaren 41. artikulua 5. atalean aurreikusten denaren arabera eskudunak diren artean hautatuko du errekurtsogileak–.

Errekurtsoa jartzeko idatzia Achucarroren kontratazio-organoren erregistroan edo errekurtsoa ebazteko hautatutako organo eskudunaren erregistroan aurkeztu beharko da nahitaez.

Kontratazioaren arloko errekurtso berezia SPKLTBaren 40. eta hurrengo artikuluetan aurreikusitakoaren arabera bideratuko da.

Behin-behineko neurrien eskaerari dagokionez, SPKLTBaren 43. artikuluan xedatutakoa hartuko da kontutan.

Errekurtsoaren erabakiaren aurka administrazioarekiko auzi-errekurtsoa soilik jarri ahal izango da, betiere administrazioarekiko auzi-jurisdikzioa arautzen duen uztailaren 13ko 29/1998 Legean xedatutakoaren arabera.

Baliogabetasunari dagokiona aurkezteko SPKLTBaren 39. artikuluan xedatutakoa jarraituko da.

SPKLTBaren II. Eranskineko 17tik 27ra bitarteko kategorietan sartzen diren zerbitzu-kontratuak arau harmonizatupekoak ez diren arren –zenbatekoa edozein izanik ere–, zerbitzu-kontratu horien zenbatekoa 200.000 eurokoa edo handiagoa bada, kontratazioaren arloko errekurtsio bereziaren, behin-behineko neurrien eta administrazioarekiko auzi-errekurtsoaren mende egon daitezke kontratu horiek, baita baliogabetasunari dagokionean ere, idatz zati hartan aurreikusten den moduan.

### **ONDORIOAK ETA AMAIERA**

Kontratu horiek betetzearen edo iraungitzearen arloko eta kontratu horien ondorioen arloko edozein gairen aurrean, jurisdikzio zibilari soilik jarri ahal izango zaio errekurtsioa.

## **2.5 Ofizioz berraztertzea**

Arau harmonizatupeko kontratuak prestatzeko egintzak eta errekurtsio horiek esleitzeko egintzak ofizioz berraztertuko dira, azaroaren 26ko 30/1992 Legearen VII. Tituluaren Lehen Kapituluaren ezarritakoaren arabera.

Achucarro atxikita dagoen sailaren, organoaren, entitatearen edo organismoaren titularrak izango du egintza horien baliogabetasuna edo kaltegarritasuna deklaratzeko eskumena, edo haren babesa duenak, berrazterketaren eskatzaileak hautatzen duen Administrazioarenak – Achucarro atxikita dagoen Administrazioen artean hautatutakoa

Hori guztia SPKLTBaren 34. artikuluan aurreikusitakoaren arabera.

## 4. KONTRATUGILE PROFILA

Achucarro Internet bidez hedatuko du bere kontratugile-profila. Horrela, kontratuko jardueraren inguruko gardentasuna berrmatuko du, eta kontratuko jarduerari buruzko informazioa guztiengana irits daitekeela ziurtatuko du.

Pleguetan eta lizitazio-iragarkietan, besteak beste, zehaztuko da kontratugile-profilera sartzeko modua.

Kontratugile-profila eusten duen sistema informatikoak gailu egokia izan beharko du bertan gaineratutako informazioa noiz hasten den hedatzen zinez egiaztatzeko.

Achucarroren kontratugile-profilean honako datu eta informazio hauek emango dira:

- a) Kontrataziorako barne-jarraibide hauek.
- b) Kontratuen lizitazio-iragarkiak, publizitaterik gabeko kontratu txikiak eta negoziatuak izan ezik.
- c) Kontratuen esleipena, kontratu txikiak izan ezik.
- d) Erregulazio Harmonizatuaren mende dauden kontratuen formalizazioa.

Horrez gain, kontratugile-profilean Achucarroren kontratuko jarduerari buruzko edozein datu eta informazio barne hartuko da, hauek besteak beste: Legearen 141. artikuluan aurreikusten diren informazio-iragarkiak; irekita edo aribidean dauden lizitazioak; lizitazio horien dokumentazioa; programatutako kontratazioak; esleitutako kontratuak; bertan behera geratutako prozedurak; kontratazio-organoarekin harremanetan jartzeko erabil daitezkeen harreman-puntuak eta komunikazio-bideak; eta abar.

## I. ERANSKINA

### 4. Artikulua. Kanpoan dauden negozioak eta kontratuak

#### 1. Lege honen esparruaz kanpo daude honako negozio eta erlazio juridiko hauek::

- a) Funtzionario publikoen zerbitzu-erlazioa eta lan-legerian araututako kontratuak.
- b) Zerbitzu publiko bat egitearen ondoriozko erlazio juridikoak, baldin eta zerbitzu hori erabiltzeko aplikazio orokorreko tarifa, tasa edo prezio publiko bat ordaindu behar den.
- c) Estatuko Administrazio Orokorrak honako erakunde hauekin egiten dituen elkarlanerako hitzarmenak, eta organismo eta entitate hauek elkarren artean egiten dituzten elkarlanerako hitzarmenak –haien izaeratik Lege honen mendeko kontratutzat jotzen direnak izan ezik–: Gizarte Segurantzaren zerbitzu komunak eta entitate kudeatzaileak, unibertsitate publikoak, Autonomia Erkidegoak, tokiko entitateak, organismo autonomoak eta gainerako entitate publikoak.
- d) Hitzarmenak arautzen dituzten berariazko arauen indarrez, Administrazioak zuzenbide pribatuaren mende dauden pertsona juridikoekin edo fisikoekin egiten dituen hitzarmenak, betiere hitzarmenaren xedea ez badago Lege honetan edo administrazio-arau berezietan arautako kontratuen xedeen artean.
- e) Europar Batasunaren Funtzionamendu Itunaren 346. artikulua esparruan barne hartzen diren hitzarmenak, defentsaren sektorean erabakitzen direnak hain zuzen ere.
- f) Estatuak beste Estatu batzuekin edo nazioarteko zuzenbide publikoko entitateekin egiten dituen hitzarmenak.
- g) Herri Administrazioen mendeko zuzenbide publikoko organismoen zuzeneko jardueri dagozkien hornidura-kontratuak–organismo horiek merkataritzako, industriako, finantzako edo antzeko beste arlo batzuetako jarduerak garatuko dituzte–, baldin eta kontratu horien mende dauden ondasunak (aldaketekin edo aldatu gabe) ondare-trafiko juridikora itzultzeko asmoz eskuratu badira haien xede bereizgarrien arabera, betiere organismo horiek Legeak esleitzen dizkien berariazko eskumenen jardunean dihardutenean.
- h) Europako Batasunaren Funtzionamendu Itunaren arabera, Europar Batasuneko kide ez diren herrialde batekin edo batzuekin egindako nazioarteko akordioen ondoriozko kontratuak eta hitzarmenak, betiere obra bat batera egiteari edo ustiatzeari zuzendutako obrei edo hornidurei dagozkienak edo proiektu bat batera egiteko edo ustiatzeko zerbitzuen kontratuei dagozkienak.
- i) Armada kokatzearen alorreko nazioarteko akordioaren indarrez egindako kontratuak eta hitzarmenak.
- j) Nazioarteko antolakunde baten berariazko prozedura baten indarrez esleitutako hitzarmenak eta kontratuak.
- k) Arbitrajeko eta adiskidetzeko zerbitzuei dagozkien kontratuak.
- l) Baloreak edo beste finantza-tresna batzuk jaulkitzearekin, erostearekin, saltzearekin eta eskualdatzearekin lotzen diren finantza-zerbitzuen kontratuak, zehazki: Estatuaren finantza-kudeaketako eragiketak; sektore publikoko erakundeek, organismoek eta entitateek funtsak edo kapitala lortzeko eragiketak; Espainiako Bankuak egindako zerbitzuak; eta diruzaintzako eragiketak.
- m) Sektore publikoko erakunde, organismo edo entitate batek ondasunak edo eskubideak emateko edo zerbitzuren bat egiteko konpromisoa hartzen duen kontratua. Edonola ere, ondasunak eskuratzen dituenak edo zerbitzuen hartzaileak (baldin eta Lege honen mende dagoen sektore publikoko entitate bat bada) kontratua egiteko aginduetara moldatu beharko dute.
- n) Entitate bati zerbitzu jakin bat egitea agintzen dioten negozio juridikoak –entitate horrek berezko bitarteko izaera eta zerbitzu teknikoko izaera izan beharko du, 24.6. artikuluan adierazitakoaren arabera–. Hala ere, Lege honen mende egongo dira



berezko bitarteko eta zerbitzu tekniko gisa har daitezkeen entitateek enkarguaren ondoriozko zerbitzuak gauzatzeko egin behar dituzten kontratuak. Horretarako, egiten dituen entitatearen eta zenbatekoen arabera bidezkoa izan daitekeena hartuko da aintzat. Edonola ere, obra, zerbitzu edo horniduren arloko kontratuak direnean, eta horien zenbatekoak Aurretiatzko Titulu honen II. Kapitulua 2. sekzioan ezarritako atalaseak gainditzen dituztenean, zuzenbide pribatuko entitateek 137.1 eta 190. artikuluetan ezarritako arauak izango dituzte kontuan kontratu horiek prestatzeko eta esleitzeko

- o) Jabari publikoko ondasunen gaineko baimenak eta emakidak ustiatzeko kontratuak eta 7. artikuluan definitutakoaz bestelako ondare-ondasunak ustiatzeko kontratuak, haien berariazko legeriaren arabera arautuko direnak –Lege honen aginduak aplikatzekoak izango direla aditzera ematen den kasuetan izan ezik–.
- p) Ondasun higiezin, balio negoziagarrien eta jabetza ukiezin gaineko salerosketako, dohaintzako, trukeko, errentamenduko eta gainerako antzeko negozio juridikoetako kontratuak, betiere ordenagailuko programei ez dagozkienean eta hornidura-kontratu edo zerbitzu-kontratu gisa kalifikatu behar direnean izan ezik. Izan ere, kontratu pribatuko izaera izango dute beti, eta ondare-legeriari jarraituz eraenduko dira. Kontratu horietan ezin izango dira sartu Aurretiatzko Tituluaren II. Kapituluko 1. sekzioan arautzen diren kontratu tipikoen berezko zerbitzugintzak, baldin eta horien balio zenbatetsia negozioaren guztizko zenbatekoaren 100eko 50etik gorakoa bada, edo ondare-kontratuaren berezko zerbitzugintzarekin lotespen-erlaziorik mantentzen ez badute eta osagarriak ez badira –25. artikuluan aurreikusten den moduan–. Bi suposizio horietan, zerbitzugintza horien kontratazio independentea egin beharko da, Lege honetan ezartzen denaren arabera.
- q) Estatuko ikerketako organismo publikoek eta Autonomia Erkidegoetako antzeko organismoek egindako zerbitzu eta hornidurako kontratuak, baldin eta ikerketa, garapen eta berrikuntza teknologikoko proiektuak gauzatzeko beharrezko zerbitzugintzak, produktuak edo zerbitzu teknikoak gauzatzea bada horien xedea. Edonola ere, horien ondoriozko emaitzak aurkezteak eta lortzeak lotuta egon beharko du trafiko juridikora txerta daitezkeen erretornu zientifikoekin, teknologikoekin edo industrialekin. Gainera, horiek gauzatzeko esleipena lehia-prozesuen bitartez agindu beharko zaizkio organismoaren ikerketa-taldee.
- r) Kontratazio-organoak oso-osorik ordaindutako ikerketa- eta garapen-kontratuak, betiere kontratazio-organoak konponbide berritzaileak –merkatuan eskura dauden konponbideak gaindituko dituztenak– garatzeko beharrezkoa den ikerketa zientifikoaren eta teknikoaren arriskuak eta onurak enpresa esleipendunekin partekatzen baditu.. Kontratu horien esleipenean, honako printzipio hauek errespetatzen direla ziurtatu beharko da: publizitatea, lehia, gardentasuna, konfidentzialtasuna, berdintasuna, diskriminaziorik gabetia eta eskaintza ekonomikorik aldekoenaren hautespena.

2. Aurreko idatz zatian zerrendatutako kontratuak, negozioak eta erlazio juridikoak haien arau berezien bidez arautuko dira; alabaina, Lege honen printzipioak aplikatuko dira aurkez daitezkeen zalantzak edo hutsuneak ebazteko.



## II. ERANSKINA

### 13. artikulua.

2. Aurreko idatz zatian adierazitakoaz bestalde, honako kontratuak ez dira arau harmonizatupekoak izango, horien balio zenbatetsia edozein izanik ere:

- a) Irratidifusioko organismoek irratidifusiorako programak erostea, garatzea, ekoiztea edo batera ekoiztea helburu dutenak, eta irratidifusioko aldiari dagozkionak.
- b) Kontratazio-organoak osorik ordaindutako ikerketakoak eta garapenekoak, baldin eta horien emaitzak organo horrek bere jarduerarako soilik erabiltzeko gordetzen ez badira.
- c) Europar Batasunaren Funtzionamendu Itunaren 346. artikulua definitutako esparruaren barnean hartzen direnak, defentsaren sektorean erabakitzen direnak hain zuzen ere.
- d) Sekretuak edo erreserbatuak izendatzen direnak, edo, gauzatu nahi badira, segurtasun-neurri bereziak behar dituztenak -indarrean dagoen legeriaren arabera-, edo Estatuaren segurtasunerako funtsezko interesak babestea eskatzen dutenak.
- e) Kontratazio-organoei telekomunikazio-sare publikoak abian jartzeko edo ustiatzeko aukera ematea helburu dutenak, edo hiritarrei telekomunikazio-zerbitzu bat edo batzuk hornitzeko aukera ematea helburu dutenak.

### III. ERANSKINA

<b>PURCHASE/PROCUREMENT REQUEST</b>	
Applicant:	
Group:	
Project:	
Date:	
Product/service:	
Rationale:	
Specifications / Features:	
Estimated cost:	
Providers, tenders:	
Comments:	
Approval of Group Leader (Signature/Date):	
Approval of Scientific Director (Signature/Date):	